

Urbes.

Omnium ultra Scaldim Insularum maxima & prima est *Scaldia*, Indigenæ vocant *Lant van Schouwen*, cuius ambitus nunc est septem mill. olim tamen major fuit, ac tantum exiguo freto distincta a *Northvelandia*. Urbes in ea primarię sunt *Zirizea* & *Brouwershaviam*. *Zirizea* omnium Zelandicarum urbium creditur esse antiquissima, circa annum 1000 exstructa a quodam Siringue: nobilis diu fuit mercatu omnium rerum, propter celebrem Portum, frequentiamque aduenarum: sed obstructo arenis Portu multum de antiqua gloria remisit: spes est tamen, eam novo portu effosso paulatim vetus nomen recuperaturam. In hac urbe natus est vixitque *Levinus Lemnius* doctrina & arte medica clarus. *Brouwershaviam* piscatores incolunt, & qui maris victitant. Secunda Insula Scaldię est *Duvelandia*, a Columbarum frequentia sic denominata, patetque eius Circuitus mill. pass. quatuor. In hac tantum pagi sunt & vici, urbs nulla. Anno 1010 Oceani fluctibus obruta fuit, cum magna Mortalium iactura, sed aggeribus confirmatis exclusoque mari, haud multo post facile illud damnum compensatum est. Tertia Insula est *Tolen*, Brabantia contermina, exiguo tantum freto discreta, in qua consistit *Toletum* a vectigali & portoriis (Belgis *Tollen*) ita appellatum, vetustum Opidulum: a quo non procul abest *Martinianus agger*, vulgo *S. Martens Dijk*, locus amœnus atque arboribus undique confectus, in quibus maxima alitum, præsertim Ardearum copia nidificat. Cis Scaldim ad Occidentem (Indigenæ vocant *Beuvestersche*) primaria Insula est *Valachria*, vel ad ejus cultore denominata, aut a Wallis vel Gallis. Insula hæc ab Ortu Brabantia obversa est, a Meridie Flandria, ab Aquilone Batavia, ab Occasu æquinoctiali Britannia. Hęc totius Zelandię Caput, situ, opibus, Incolarum frequentia, urbium & pagorum splendore, mercimoniis eminentissima, decem in ambitu milliaria complectitur. Urbes in ea sunt *Middelburgum*, *Veria*, *Flissinga*, *Arnemuda*. Pagi complures. *Middelburgum* a situ nomen habet, est enim burgus in medietate Insulę. Urbs est ampla publicis privatisque edificiis, pontibus, turribus, propugnaculis ad usum & cultum egregie exornata. Huic ortum suum debet *Paulus* a Middelburgo Mathematicorum ævi sui Princeps: *Nicolaus* quoque *Everhardus* Curia Hollandica primum, postea etiam Mechliniensis Præses, quo in munere obiit An. 1011. Filios is habuit ob singularem eruditionem hoc loco commemorandos, *Petrum Everhardi* doctorem Theologia, *Everhardum Nicolai* Præsidentem Curia Frisica, postea etiam Mechliniensis, *Nicolaum Nicolai* Gradium, *Adrianum Nicolai* Marium & *Ioannem Secundum* Poëtam. *Veria* sive *Campoveria* nomen habet a trajectu, qui Zeladis dicitur *Veer*. Muro cincta primum est An. 1011. Ex eo cepit etiam esse Scoticarum Mercium emporium. *Flissinga* nomē & signum habet lagenę, Belgis *een Flessche* nominatę, Urbs est novitiola, sed potens & maritima: perans: ac strenuis piscatoribus, atque exercitatis Nauculis, quos *Pilotas* vocant, referta. *Arnemuda* Middelburgensium est Municipium, & statio navium tuitissima. Post *Valachriam* secunda est *Zuidbevelandia*, quam alii a tremoribus & concussionibus nomen habere existimant, nos a Bavaris, quorum etiam insignia in ejus Insule scutis spectantur. Hęc spatiofissimo amœnissimoque versus Flandrię ac Brabantia oras tractu exporrigitur, tamen